

CV22040

Segunda addenda ao convenio de colaboración entre a entidade pública empresarial Augas de Galicia e o Concello de Padrón para a execución da actuación "mellora do abastecemento do sistema da marxe dereita da ría de Arousa. Ampliación da ETAP do sistema de abastecemento ao Barbanza. Padrón (A Coruña)", Plan de Recuperación, Transformación e Resiliencia – financiado pola Unión Europea – NextgenerationEU.

Dunha parte, Ángeles Vázquez Mejuto, conselleira de Medio Ambiente e Cambio Climático, nomeada polo Decreto 44/2024, de 14 de abril, en nome e representación da entidade pública empresarial Augas de Galicia, no exercicio das funcións atribuídas polos artigos 13 da Lei 9/2010 e 6 do Estatuto da entidade pública empresarial Augas de Galicia, aprobado polo Decreto 32/2012, do 12 de xaneiro 32/2012, do 12 de xaneiro.

Doutra parte, Anxo Rei Arca, alcalde do Concello de Padrón, en exercicio das atribucións conferidas polo artigo 61 da Lei 5/1997, de 22 de xullo, de administración local de Galicia.

EXPOÑEN

1. O 23.12.2022 formalizouse o convenio de colaboración entre a entidade pública empresarial Augas de Galicia e o Concello de Padrón para a execución da actuación "Mellora do abastecemento do sistema da marxe dereita da ría de Arousa. Ampliación da ETAP do sistema de abastecemento ao Barbanza. Padrón (A Coruña)", Plan de Recuperación, Transformación e Resiliencia – financiado pola Unión Europea – NextgenerationEU, mediante tramitación anticipada de gasto. No momento de formalización do convenio o custo das actuacións que se desenvolverían no seu ámbito estimáronse en 10.100.000,00 €.

2. A cláusula sétima do citado convenio, relativa a súa modificación dispón que "os compromisos de gasto plurianuais aprobados por Augas de Galicia, recollidos neste convenio, poderán ser reaxustados unilateralmente por parte de Augas de Galicia, co límite da cantidade máxima prevista na cláusula terceira do convenio e sempre que non aumente o número de anualidades, para acompasalos ao importe de adxudicación e ao ritmo de execución das obras de referencia, sen que este reaxuste necesite da tramitación dunha addenda ao convenio.

Calquera outra modificación no contido deste convenio, requirirá acordo entre Augas de Galicia e o Concello de Padrón e tramitarse a través dunha addenda ao mesmo".

3. O 12.12.2024 subscribiuse a primeira addenda ao convenio co fin de modificar o título do convenio, diminuír o importe do convenio, ampliar o prazo de vixencia e,



consecuentemente, reaxustar as anualidades do convenio ao ritmo previsto de execución das actuacións. Quedando as anualidades como seguen:

Ano	Importe
2023	0,00 €
2024	755.004,70 €
2025	7.583.913,02 €
2026	1.199.175,81 €
TOTAL	9.538.093,53 €

4. No ámbito do convenio realizáronse as seguintes adxudicacións:

a) Adxudicación á UTE-ESPINA OBRAS HIDRÁULICAS, SA & VÁZQUEZ Y REINO, SL, do contrato de obra de "mellora do abastecemento do sistema da marxe dereita da ría de Arousa. Ampliación da estación de tratamento de augas potables do sistema de abastecemento ao Barbanza. Padrón (A Coruña)", con referencia de expediente **AUG-2022-0016 (OH.215.1218)**. O contrato formalizouse o 06.03.2024, por un importe de 8.466.672,58 €.

De conformidade co disposto no artigo 242.4 da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ao importe de adxudicación anterior débese engadir o importe do documento contable de retención de crédito para facer fronte aos gastos da certificación final da obra por un importe de 846.667,26 €.

Trala a realización dunha campaña de caracterización do lodo no proceso existente de clarificación, as concentracións obtidas amosan unhas condicións que precisan da modificación do proceso previsto de espesado no proxecto primitivo. Por outra banda, como a estación de tratamento do Casal atópase encaixada nunha plataforma delimitado por un noiro que a separa da estrada AC 242 e muro de contención paralelo ao río Ulla, a realización dos traballos previos de limpeza e escavación nas inmediacións deste noiro provocaron desprendementos de rocas que precisan, de xeito preventivo, levar a cabo actuacións de mantemento e estabilización.

Nestas condicións, o 26.08.2025 apróbbase tecnicamente o proxecto modificado nº 1 da obra "mellora do abastecemento do sistema da marxe dereita da ría de Arousa. ampliación da ETAP do sistema de abastecemento ao Barbanza. Padrón (A Coruña)", de clave **OH.215.1218.M1**, o que supón un orzamento adicional de 1.263.921,67€

O contrato menor Servizo para a redacción do proxecto modificado da obra "OH.215.1218 - Mellora do abastecemento do sistema da marxe dereita da Ría de Arousa. Ampliación da



ETAP do sistema de abastecemento ao Barbanza. Padrón (A Coruña)", **M.25018**, adxudicouse por un importe de 17.998,75 €.

b) O contrato de servizo de asistencia técnica á dirección facultativa da obra de mellora do abastecemento do sistema da marxe dereita da Ría de Arousa. Ampliación da estación de tratamento de augas potables do sistema de abastecemento ao Barbanza. Padrón (A Coruña), de clave **OH.715.1234**, formalizouse o 12.04.2024 por un importe de 133.826,00€. Na actualidade estase a tramitar a prórroga deste contrato por importe 21.052,49€.

c) O contrato de servizo para o desenvolvemento de actividades preventivas e accións de coordinación empresarial no marco da actuación de mellora do abastecemento do sistema da marxe dereita da ría de Arousa. Ampliación da estación de tratamento de augas potables do sistema de abastecemento ao Barbanza. Padrón (A Coruña), de clave **OH.715.1237** formalizouse o 20.02.2024 por un importe de 90.927,69€. Na actualidade estase a tramitar a prórroga deste contrato por importe 15.007,62€.

A suma de todas as cantidades anteriores ascende a 10.856.074,06€, importe maior á cantidade de 9.538.093,53 € consensuada na cláusula 4ª do convenio tras a addenda do 12.12.2024, motivo polo que é preciso aumentar o importe do convenio.

Polo tanto, en vista de todo o manifestado anteriormente, as partes

ACORDAN

Subscribir a segunda addenda ao convenio de colaboración citado, modificando a cláusula cuarta (réxime de financiamento e obrigas de carácter económico) que queda redactada nos seguintes termos:

CUARTA. RÉXIME DE FINANCIAMENTO E OBRIGAS DE CARÁCTER ECONÓMICO

O custo total para a contratación da obra de "Mellora do abastecemento do sistema da marxe dereita da ría de Arousa. Ampliación da ETAP do sistema de abastecemento ao Barbanza. Padrón (A Coruña)", de clave OH.215.1218 contemplada neste convenio e da súa execución financiarase integramente por Augas de Galicia ata unha cantidade máxima de dez millóns oitocentos cincuenta e seis mil setenta e catro euros e seis céntimos (10.856.074,06€).

Para o financiamento desta cantidade, Augas de Galicia dispón de crédito suficiente e axeitado na conta 230 "Investimentos xestionados para outros entes públicos" do Plan Xeral de Contabilidade Pública de Galicia. A achega de Augas de Galicia de anualidades futuras está condicionada á existencia de crédito nos seus correspondentes orzamentos. A distribución de anualidades é a seguinte:



Ano	Importe
2023	0,00 €
2024	755.004,70 €
2025	7.601.911,77 €
2026	2.499.157,59 €
TOTAL	10.856.074,06 €

O citado crédito provén do Acordo da Conferencia Sectorial de Medio Ambiente do 9 de xullo de 2021 na que establecéronse os criterios de reparto e distribución territorial de créditos relativos ao plan para a mellora do abastecemento e redución de perdas en redes de pequenos e medianos municipios, do investimento C5.I1 "Materialización de actuacións de depuración, saneamento, eficiencia, aforro, reutilización e seguridade de infraestruturas (DSEAR)", dentro da compoñente nº5 "Preservación do litoral e recursos hídricos" do Plan de Recuperación, Transformación e Resiliencia (PRTR) financiado co Mecanismo de recuperación e resiliencia, establecido polo Regulamento (UE) 2021/241, do Parlamento Europeo e o Consello, do 12 de febreiro de 2021.

Ao estar as actuacións incluídas no Mecanismo de Recuperación e Resiliencia dentro do Compoñente 5 do Plan de Recuperación, Transformación e Resiliencia (PRTR), están suxeitas, en todo caso, ao cumprimento, execución e realización dos obxectivos fixados no devandito Plan. Estarán sometidas á plena aplicación dos mecanismos de xestión e control que se establezan para o Mecanismo de Recuperación e Resiliencia da UE e á normativa da Unión Europea aplicable á xestión, seguimento e control que se estableza para o Plan de Recuperación, Transformación e Resiliencia, así como as específicas relativas á información e publicidade, verificación e demais impostas pola normativa da Unión Europea, cuxa aplicación será de obrigado cumprimento. Concretamente, resulta de aplicación o Regulamento (UE) 2021/241, do Parlamento Europeo e o Consello, do 12 de polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia, Orde HFP/1030/2021 do 29 de setembro, pola que se configura o sistema de xestión do Plan de Recuperación, Transformación e Resiliencia, Orde HFP/1031/2021, do 29 de setembro, pola que se establece o procedemento e formato da información a proporcionar polas Entidades do Sector Público Estatal, Autonómico e Local para o seguimento do cumprimento de fitos e obxectivos e de execución orzamentaria e contable das medidas das compoñentes do Plan de Recuperación, Transformación e Resiliencia, o Plan de Recuperación, Transformación e Resiliencia, o Real Decreto Lei 36/2020, de 30 de decembro, polo que se aproban medidas urxentes para a Modernización da Administración Pública e para a execución do Plan de Recuperación, Transformación e Resiliencia, e a Lei 9/2021, do 25 de febreiro, de simplificación administrativa e de apoio á reactivación económica de Galicia.



As partes asinantes obríganse a someterse ás actuacións de control financeiro que correspondan á Intervención Xeral da Comunidade, ás previstas na lexislación do Tribunal de Contas e do Consello de Contas, así como ás comprobacións da Comisión Europea, da Fiscalía Europea, a Oficina Europea de Loita contra a Fraude (OLAF), o Tribunal de Contas da Unión Europea, e aos controis derivados do Plan nacional de recuperación, transformación e resiliencia, que se realicen a través de autoridades nacionais ou europeas, facilitando canta información e documentación lles sexa requirida.

O Plan de mellora do abastecemento e redución de perdas en pequenos e medianos municipios, debe contribuír á consecución do obxectivo 76 "Infraestruturas de tratamento de augas e augas residuais melloradas", establecido no PRTR para o Investimento 1 da compoñente 5. Establécese que deberá alcanzarse un valor de 40 actuacións construídas e un 20% medio de redución sobre as perdas reais existentes antes da actuación xunto cunha contribución de 200.000 habitantes beneficiados e inclúese un obxectivo cuantitativo individualizado mínimo a acadar para cada comunidade autónoma. Galicia debe contribuír a este obxectivo con unha poboación beneficiada mínima de 13.599 habitantes.

O financiamento aportado por estas axudas non é compatible co financiamento por outros fondos estruturais da Unión Europea. De ser financiado ademais de con fondos do Mecanismo de recuperación e resiliencia con outros fondos autonómicos ou estatais, en ningún caso o importe de todos os fondos pode superar o custe das actuacións obxecto deste convenio.

As baixas do orzamento que se produzan como consecuencia da adxudicación do contratos de obra repercutirase a Augas de Galicia. Do mesmo xeito, os incrementos derivados de posibles modificacións do proxecto de execución da obra de mellora, así como das eventuais liquidacións definitivas serán asumidas por esta entidade ata a cantidade máxima fixada nesta cláusula

A sinatura desta addenda suporá o consentimento expreso das partes asinantes para incluír e facer públicos os datos persoais que consten na addenda, e mailo resto de especificacións contidas nesta, de conformidade co artigo 15 da Lei 1/2016, do 18 de xaneiro, de transparencia e bo goberno e o Decreto 126/2006, do 20 de xullo, polo que se regula o rexistro de convenios da Xunta de Galicia.

E para que así conste, en proba de conformidade coas cláusulas desta addenda, as partes asinan electronicamente este documento.

*A presidenta de Augas de Galicia, Ángeles Vázquez Mejuto
O alcalde do Concello de Padrón, Anxo Rei Arca*

